

pelmusarbo (*Citrus decumana*) k oranĝ-arbo (*Citrus aurantium*).

greso ☞. Iu ajn el la herboj el fam. gramenacoj, uzataj kiel furago por brutoj k aliaj «~antaj» bestoj, aŭ en ĝardenoj kiel herbotapiŝoj (= herbo 2.).

groco £. Dekduo da dekduoj.

grujero. Svisa k franca, kuirita, truohava fromaĝo el bovina lakto.

gujavo ☞. Pirforma, bonodora k sukera frukto de ~arbo. ~arbo. Arbo, originanta el Centra Ameriko k kultivata en la Mediteraneaj landoj, el fam. mirtacoj (*Psidium*).

gulaŝo (Ku). Hungarmaniera raguo el bovaĵo, distranciĉita en neregulajn grandajn pecojn, rostita k poste supigita kun legomoj k paprika saŭco.

gvatl (tr). 1 Kaŝe, ŝtelume observi, atendi: *trans la kurteno de la kabareto li ~is la eliradon de la kudristinoj*. 2 Dejore observi. ~isto. Soldato, kiu kaŝite en taŭga loko (turo, arbobranĉoj, termonteto) observas la movojn de la malamiko por alarmi en okazo de atako. ~nesto. Observistejo ĉe mastosupro. ~turo. Turo, en urbo aŭ en kastelo, kie en Mezepoko deĵoris ~isto.

Ĝ

ĝelo £. Scienca nomo por solidiginta koloida solvaĵo (= gelato): ~o de agaragar, de silika hidrato.

ĝenro ♣. Speco de pentraĵo, kiu prezentas scenojn el la ĉiutaga vivo k estas nek portreto, nek pejzaĝo, nek historiaĵo.

ĝiri ALD 3 ⚓. Turni ŝipon, por ke ĝi ricevu la venton de la alia flanko. 4 ⚓. Turni aŭtomobilon, tiel ke ĝia nova

direkto faras ortan aŭ obtuzan angulon kun la antaŭa. ~ado. Ago ~i 1, 2, 3, 4: *la U-formaj ~adoj estas malpermesitaj en kelkaj urboj*. ~ejo. Loko, kie la vojo pli-malpli forte kurbiĝas: *tro rapide preni ~ejon; danĝera, blinda ~ejo* (kie la post~eja parto de la vojo ne estas videbla); *harpingla ~ejo* (kiu, en montaro, kunigas du sinsekvajn paralelajn pecojn de la sama vojo).

H

haĝo (R). La pilgrimo al Mekko k Medino, la kvina «kolono» de Islamo. ~ulo. Titolo de islamano, kiu faris tiun pilgrimon.

hajko ♣. Japano fiksforma poemeto el tri versoj de 5, 7 k 5 silaboj.

* **Halti** ALD ~ostreko. Longa streko, uzata en tipografio por signi dialogon, por apartigi frazpartojn pli forte ol per komo, aŭ por esprimi subtrahon (en tiu lasta uzado, ĝi respondas al la vorto minus).

handikapo (Sp). Konkurso, en kiu la ŝancoj de ĉiakvalitaj konkurantoj estas egaligitaj per iaj malavantaĝoj truditaj al la pli sortfavorataj (ekz-e ĉe ĉevalvet-

kuro, prokrasto je la starto, pli granda portenda pezo ks.). ~l (tr). Egaligi la ŝancojn de konkurantoj per ~o. ~(a) o. La malavantaĝo, kiu estas trudita al konkuranto: (f) *diplomata malsukceso kaŭzita de la lingva ~o*.

hangaro (Avi). Granda konstruaĵo, taŭga por ŝirmi k enteni direkteblajn balonojn, aviadilojn ks.

harakiri (ntr). Sin mem mortigi per laŭrita entranĉo en la ventron, obeante la japanan feŭdan tradicion.

hasti (ntr). Rapidigi siajn movojn, por pli baldaŭ plenumi ion; agi kun nekutima, nenormala rapideco: *je la siblo de la kugloj, li ~is al la tranĉo;*